

¡BOMBA!

En el Senado este día se agarraron a empujones; otro, por precauciones corrió a por su maestría



K'intsil

Jueves 28 de agosto de 2025

CAMPECHE · YUCATÁN · QUINTANA ROO · AÑO 11 · NÚMERO 2552 · www.lajornadamaya.mx

María Victoria Díaz Ruiz, tu náajaltaj u chíimpolalil Premio de Literaturas Indígenas de América (PLIA)



/ p 20
Oochel gobierno de México

Sokem Viniketik (Hombres absurdos) u k'aaba' áanalte' tu'ux ts'íibta'an wakpéel tsikbalo'ob tumen xtsotsil ts'íib María Victoria Díaz Ruiz (San Cristóbal de las Casas, 1995) máax náajalt u 13 u téenal u beeta'al Premio de Literaturas Indígenas de América (PLIA). U yóol u meyajé, tu ya'alaj xts'íib, jóok' ti' filosófico tuukul yaan ichil u meyaj Franz Kafka yéetel Albert Camus, ba'ale' yéetel u chiikul u máasewal kaajilo'ob Chiapas.

"Máaxxo'ob ku chiikpajal ti' tsikbalo'obe' ma' beeta'an ti'al xiiibo'obi', tumen ko'olel, ti'al u chiikbesa'al u kuxtal le jaats kaajjal' ma' chéen ch'a'abili'. Máasewal kaajo'obe' ku máansik talamilo'ob, je'el bix violaciones, óotsil kuxtal, kex tumen je'el bix u bin u xuultal máake', le ba'alo'ob je'elo' ku bin u k'expajal, je'ex k-kuxtal to'on. Míin ka'ache' maas óotsil u kuxtal wíinik", tu

ya'alaj xts'íib, t'anik tsotsil ti' u baantail chamula.

Tu ya'alaje, u beel u meyaj Kafka yéetel Camuse' tu ts'áaj u páajtalil u tukultik ba'ax u beelal wíinik ku yantal ich kaaj, ba'ale' beyxan tu juunal; leti'e' ba'ax tu yóotaj u chiikbes tu meyaj.

Tu ya'alaje, ki'imak u yóol tumen u ka'atúul xtsotsil máax náajaltik PLIA, tumen le ja'ab máaniko' náajaltaab tumen xchiapasil Ruperta Bautista Vázquez, yéetel k'aay

tuukulo'ob. Ts'o'okole', u yóoxtúul ko'olel máax náajalt chíimpolal ti' le ts'ook óoxpéel ja'abo'oba'.

Adira Montserrat Fierro, máax jo'olbesik u najil xook Norte ti' UdeG, tu ya'alaj u chíimpolal María Victoriae' yaan u k'u'ubul le 5 ti' diciembre ku taala', tu k'iimbesejil Feria Internacional del Libro de Guadalajara. Beyxan yaan u jóok'saal u áanalte'il, jump'éel estuatilla yéetel u ju'unil chíimpolal.